



25. juni 2019

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

Naalakkersuisunut apequt:

- 1. Naalakkersuisut ilisimatitsissutigisinnaavaat Asiameersut qassit Qallunaat Nunaata iluani innuttaaqataassutsimik peqanngitsut Nunatsinnut ukiuni 2015, 2016, 2017, 2018, ullumikkumullu 2019-imi Nunatsinnut tikisinneqarsimanersut sulisussaaleqineq pissutigalugu?**
- 2. Naalakkersuisut ilisimatitsissutigisinnaavaat Asiameersut Qallunaat Nunaata iluani innuttaaqataassutsimik peqanngitsut ukiuni 2015, 2016, 2017, 2018, ullumikkumullu 2019-imi Nunatsinnut tikisinneqarsimanersut Qallunaat Nunaata iluani innuttaaqataassutsimik pigisaqartumik katinnissaq pissutigalugu?**
- 3. Naalakkersuisut ilisimatitsissutigisinnaavaat Asiameersut Qallunaat Nunaata iluani innuttaaqataassutsimik peqanngitsut ukiuni 2015, 2016, 2017, 2018, ullumikkumullu 2019-imi Nunatsinnut tikisinneqarsimanersut Asiamit aggerfeqartumik ilaquuttaminnut Nunatsinni nunaqalersimasumut ilaquataanertik pissutigalugu?**
- 4. Naalakkersuisut ilisimatitsissutigisinnaavaat suliffeqarfiit / inuussutissarsiortut sorliit sulisussaminnik Asiameersunik noqqaassuteqartut sorliunerusarnersut?**
- 5. Naalakkersuisut ilisimatitsissutigisinnaavaat Naalakkersuisut ilisimasaqarnersut Nunatsinneersut aalajaallutik suliffimminnik paarsisut Asiameersunik sulisussarsinikkut suliffimminni soraarsinneqarsimasunik / suliunnaarsinneqarsimasunik?**
- 6. Naalakkersuisut ilisimatitsissutigisinnaavaat Asiameersunik sulisussarsinikkut Nunatsinneersut aalajaallutik suliffimminnik paarsisut eqqorneqannginnissaat pillugu eqqumaffiginninnerlutik imaluunniit sulissuteqarnerlutik?**

(Inatsisartunut ilaasortaq Sofia Geisler, Inuit Ataqatigiit)

Tungavilersuut:

Nunatsinni innuttaaqataasut Asiameersut amerliartorput, april 2019 600-it pallingajassimallugit. Ilisimavarput Nunatsinni sulisussaaleqineq ajornartorsiutaammat, aammalu Nunatta atorfissaqartimmagut sulisussat. Taamaattorli paaserusuppara sulisussatut Asiamiit tikisinneqartut pillugit ataatsimoortumik Naalakkersuisut politikkeqarnersut, pingaartumik sulisut nunatsinneersut aalajaallutik suliffimminnik paarsisut eqqarsaatigalugit.

Kissaatigivara apeqqutikka ullut suliffiusut qulit qaangiutinnginneranni akineqarnissaat.